

# Sisi o theha setswalle se setjha



Sisi a tlolela ka hara teraka.  
Dithoto tsohle di ne di  
palamisitswe mme ba ne ba fallela  
ntlong e nngwe, toropong e  
nngwe, moo Sisi a tla kena sekolo  
se seng.

“O nahana hore ke tla etsa  
metswalle e metjha?” Sisi a botsa  
mmae.




Ka letsatsi la pele sekolong sa hae se setjha, Sisi o ne a tshohile hore a ka se kgone ho theha setswalle le mang kapa mang.

"Ha ke tsebe motho," a nahana.

"Ke tla botsajwang mang hore e be motswalle wa ka?"

Yaba o sadisa mmae. "Ho lokile mme, ke tshepa hore nka se bolawe ke bodutu."



Sisi a ya tlelaseng ya hae e ntjha  
ya kereiting ya bobedi. O ne a  
tshohile ebile le pelo ya hae e  
otla e re thuul! thuul! thuul!

"Ke a ipotsa hore ebe Sam e tla  
ba motswalle wa ka," a nahana.




Tshepe ya lla ka kgefutso mme  
Sam a mathela ho bapala. O ne a  
se a na le metswallé.

Sisi wa batho a ema a shebella  
bana ha ba bapala. O ne a batla ho  
bapala le bona empa a na le dihlong  
tsa ho ba botsa.

Ha ho ya ileng a elellwa Sisi ha a  
ntse a eme a le mong.

"Ekare nka be ke kgona ho bapala  
le nna , " a nahana. "Ke bodutu  
haholo."

Ekare nka be ke kgona  
ho bapala le nna.



Ka letsatsi le hlahlamang ka  
nako ya kgefutso, Sisi a bona  
Mandu a dutse a le mong a bile a  
shebahala a hloname.

Mandu o ne a hloname hobane o  
ne a lebetse ho tla le lebokisi la  
hae la dijo sekolong, mme o ne a  
lapile haholo. O ne a shebile Jim  
le Jabu ha ba ja.

"Ekare nka be ke na le sa ho ja," a  
hweshetsa.



Sisi a bona hore Mandu o hlonyme haholo.

"Phoso e kae, Mandu?" Sisi a botsa. "Na o lebetse lebokisi la hao la dijo hae?"

"Ee," Mandu a araba, "ebile ke lapile haholo."

"Se ka tshwenyeha, Mandu," Sisi a rialo, "Ke tla arolelana dijo tsa ka le wena."



Sisi a ja lebokisi la hae la dijo le  
Mandu.

"Mmm!" Mandu a rialo.

"Borotho bona bo monatenate!"

"Ke a leboha, Sisi. Ke leboha  
tsotello ya hao," Mandu a rialo.  
Sisi a ba le motswalle e motjha!




Ben ntja e ne e thabile ha Sisi  
a na le motswalle e motjha.

Ya boholo hape ya tsoka  
mohatla.

"Hau, hau!" ya boholo.

Bana ba matha ho ya bona hore  
Ben e boholelang.

"Hela Sisi!" ba bitsa, "tlo o  
tlo bapala le rona."



Yaba Sisi o se a na le metswalle e  
mengata.

A thabiswa ke ho ya sekolong  
sa hae se setjha. A natefelwa  
ke ho bapala le metswalle ya  
hae e metjha. Ho fetola dikolo  
ha ho a ka ha ba thata ho  
hang.

**Ho theha setswalle ho bonolo ha  
o le mohau ebile o tsotella!**



# Kamoo metswalle e thehwang kateng



Ka nako e nngwe ho ka ba thata ho theha  
metswalle e metjha. O ka etsang?



😊 Nka bohato ba  
pele ho itsebisa  
ho ba bang.

😊 Nka karolo  
diketsahalong  
tsa ka mora sekolo.





Hlokomela ho dula o hlwekile o le makgethe.



Hopola mabitso.

Eba mohau.

Eba molemo.



... Ha o na le motswalle e motjha, tshephahala,  
hlompha o be le bonnete.



# Mesebetsi ya ho bala ka dihlopha



1

Tadima ditshwantsho. Bolella motswalle wa hao hore ho etsahalang setshwantshong ka seng.  
Borella motswalle wa hao hore ditshwantsho di hlahlamana jwang.  
Sebedisa ditshwantsho ho o thusa ho qoqela motswalle wa hao pale hape.



2

Ngola dipolelo tse latelang ka tatelano e nepahetseng o nto di balla motswalle wa hao.

a.	O sadisa mmae.
b.	Sisi o arolelana lebokisi la dijo le Mandu.
c.	Sisi o dula le Sam.
d.	Mandu o lapile haholo.
e.	Kajeno Sisi o fallela ntlong e ntjha.



3

Tshwantshisa pale.



4

Qetela mosebetsi ona.

- a. Ngola mantswe a hao a mabedi a dumang tjena:

boholo

thata

bapala

lapile

- b. Ngola mantswe ana ka lekgathe le fetileng:

tseba

botsa

dula

falla

bitsa

arola

bapala

lapa

- c. Fumana mantswe a nang le medumo e latelang paleng o nto a ngola fatshe:

-hl

-th

-ts

tl-

•

,

?

!

“ ”



5

Qoqa ka pale:


- a. Sehlooho sa pale ke eng?
- b. Baphethwa ba sehlooho ke bafe paleng?
- c. Hobaneng Sisi a ne a ya sekolong se setjha?
- d. Ho bolelang ho re "Mandu o ne a hloname"?

- e. Naa o kile wa ikutlwā o hloname?  
Hobaneng?
- f. Hobaneng o nahana hore Sisi o ne a tshaba ho botsa bana ba bang  
hore a ka bapala le bona?
- g. Ben e entseng ho thusa Sisi?
- h. Re tseba jwang hore Sisi e ne e le motswalle wa sebele ho Mandu?
- i. O lebella eng motswalleng wa sebele?
- j. Naa o ka nahana ka qetello e nngwe paleng ena?
- k. O batla ho botsa titjhere wa hao potso efe ka pale ena?



6

Taka hape moralo ona wa monahano bukeng ya hao  
mme o o qetelle.



7

Ngola pale ka dipolelo tse ka bang tshelela.  
Taka setshwantsho ka pale.